




HBko sentsibiltate
desberdinak
integratzen saiatuko
dela dio Araizek / 6



Kirio Gastiarena:
«Euskarari
hegoak moztan
ari zaizkio» / 13



Josu Lavin: «Erakundeek
bideratu behar lukete
gure literaturaren
konputerizazioa» / 28

EUSKALDUNON

Egunkaria

Larunbata, 1995eko maiatzaren 6a / VI. urtea / 1.365. zenbakia / Salneurria: 110 pta. / 5,5 libera

MUSIKA

Eskaintza aparta Gasteizko Jazzaldian

Wynton Marsalis, Chick Corea, Chuck Berry, John McLaughlin eta Tete Montoliu izango dira, besteak beste, Gasteizko XIX. Jazzaldian. / 26

Kanpaina bukatuta bihar hautatuko dute frantsesek lehendakaria

Lehendakaritzarako hauteskundeak bigarren itzuliko kanpainako azken orduetan, Jacques Chirac eta Lionel Jospin kargu honen betetzeko gaitasunaz bata besteari hitzez erasoka aritu dira. Baina azken hitza frantsesek izango dute, bihar hautatuko baitute datozen zazpi urtetarako lehendakaria. / 20

Jauregik ukatu egin ditu GALi buruzko HBren akusazioak

Espainiako Gobernuak ordezkarik izan zen garaian GALEk egindako ekintzen ez zuela izan «ez zuzenean ezta zeharka ere zeri-
kusirik» esanez erantzun zuen atzo Ramon Jauregik Gasteizko Legebiltzarrean. HBko Karmelo Landak bere ardurei eutsi beharrean biktimismoa egiten duela leporatu zion Jauregiri. / 5

LAB nagusitu da Nafarroako Administrazioko hauteskundeetan

LABek irabazi ditu Nafarroako Administrazioako hauteskundeak, 40 delegatu lortu ditu (% 18,7). Nafarroako Gobernuaren datu ofizialen arabera, bigarren CC OO izan da, 39 delegaturarekin (% 18,3), eta hirugarren ELA, 31rekin (14,7). Azken urteotan agertutako «koherentziaren» fruitua jaso duela esan zuen LABek. / 17

Irurtzun-Andoain autobia, zabalik

Protokolo instituzional erraldoia antolatu zuten Hegoaldeko agintariek

Akordioaren txalotzaile bilakatu ziren atzo Irurtzun-Andoain autobia zabalik utzi zuen ekitaldi instituzional erraldoian bildu ziren agintariak, baita Lurraldeko bozeramaileak ere, Leitzan protokolo ofizialekin kanpo emandako prentsurrekoan. Zabaldu

berria den autobia Nafarroako eta Gipuzkoako lurraldeak baina baita Iruñeko eta Gasteizko agintariak ere bildu zituen, gutxienez argazkirako. Denek egon nahi izan zuten irudi nagusietan, baina Ali eta Ardanza lehendakariak izan zuten lehentasuna,

gero Eli Galdos eta Roman Sodupe, eta gero beste guztiek. Imanol Muruak, gatazka garaian instituzioen jarrera aitzinatzea egokitu zitzaion diputatu nagusiari ere egin zioten tarte. Miguel Sanz, UPNko zerrendaburua datozen hauteskundeetarako,

haserre zegoen, Juan Cruz Allik ez baitzuen UPN alderdia aipatu ere egin autobia gauzatzerako meritudunen artean. Arratsaldeko laurak inguruan martxan jarri ziren autobia batetik bestera zeharkatu zuten lehen ibilgailu motorizatuak. / 14-15



Autobiaren auziko polemikaren muinean izan zen Imanol Muruak ez zuen huts egin inaugurazioan.

ANDER GILLENEA

Euskal Herri osoko azterketa soziolinguistikoa lehenengoz

Estreinako aldiz Euskal Herri osoko azterketa soziolinguistikoa egin dute Eusko Jaurlaritzak, Nafarroako Gobernuak eta Euskal Kultur Erakundeak elkarla-

nean. Lan honetan 1991ko datuak jaso dira, eta hauen arabera, elebidunak Euskal Herriko biztanleen % 30 dira, eta erdaldun elebakarrak % 70. Erabilerari

dagokionez, euskaldunen leialtasuna hizkuntzarekiko oso handia da. Jarrerari dagokionez gehienak euskararen erabilera sustatzearan alde daude. / 11

BESTERIK

POLITIKA

Pariserako 51 autobus abiatu dira bart gose greban diren euskal presoekin aldeko ibilaldian / 8

KEVIN AYERS MUSIKARIAK DONOSTIAKO LUGARITZ ANTZOKIAN KONTZERTUA ESKAINIKO DU BIHAR / 27